

## Torbjørn Hasund

---

**Fra:** Beate Kornberg <Beate.Kornberg@gloppen.kommune.no>  
**Sendt:** 23. august 2017 13:27  
**Til:** Torbjørn Hasund  
**Emne:** 17/692-17 Problemstillingar til drøfting i regionalt planforum 6.september 2017 - ny samfunnsdel  
**Vedlegg:** Samfunnsdelen til regionalt planforum 23.aug.17(27102).pdf; Framdriftsplan for samfunnsdelen - justert 21.august 2017(27103).pdf

Regionalt planforum Sogn og Fjordane v/ rådgjevar Torbjørn Hasund  
Askedalen 2,

6863 LEIKANGER

Vår ref. (oppgjør ved svar)  
17/10787

Dykkar ref.

Dato  
22.08.2017

### Problemstillingar til drøfting i regionalt planforum 6.september 2017 - ny samfunnsdel

Eg viser til avtale om regionalt planforum med Gloppen kommune 6.september, der ny samfunnsdel er tema. Vedlagt ligg første utkast til ny samfunnsdel, og vi gjer dykk merksam på at dokumentet ikkje er ferdig. Vi er inne i ei fase der vi dagleg skriv og redigerer dokumentet, som etter planen skal vere ferdig til politisk handsaming i formannskapsmøte 18.september (med skrivefrist 8.september).

I arbeidet med samfunnsdelen har vi køyrt ein brei medverknadsprosess (januar – mars 2017), og oppsummering av innspela er eit viktig utgangspunkt for vårt arbeid med å kome fram til ein posisjon vi som kommune ønskjer å ta. Arbeidet med posisjonen vår er gjort av ei nedsatt arbeidsgruppe bestående av representantar frå næringslivet, kulturlivet, frivillig sektor, politikk, ungdomsråd og kommuneadministrasjon. Desse er med oss vidare i arbeidet med kapittelet om næringsutvikling.

Kommuneleiinga og arbeidsgruppa ønskjer ein kortfatta samfunnsdel, som legg tydelege føringar for vidare utvikling av kommunen, både som lokalsamfunn og organisasjon, utan å verte for detaljert. Vidare ønskjer dei ein samfunnsdel som er tydeleg på kva **vi skal gjere ilag** og **kva kommunen skal gjere** og **legge til rette for**.

#### Oppbygging av dokumentet:

Vi har valgt å samle føringane i 3 hovudkapittel/ hovudstrategiar, og ikkje bygge den opp «sektorvis». Viktige tema som folkehelse, klimaomsyn og omstilling, beredskap og arealbruk er tenkt omtalt under alle strategiane (altså ikkje som eigne kapittel). **Dette er eit av temaene vi ønskjer å drøfte i det regionale planforumet 6.sept.**

Vi planlegg at leiarane våre i alle sektorane i eit planlagt **leiarforum 5.sept.** (tverrsektorielt forum for sektor- og einingsleiarar) skal jobbe med utkastet med fokus på kva som er viktig å ha med for å sikre tilstrekkelege føringar for ønska utvikling av tenestene våre.

I regionalt planforum 6.sept. vil samfunnsdelen vere tilnærma ferdig til å leggast på høyring, med unntak av dei innspela vi får frå leiarforum 5.sept. og regionalt planforum 6.sept. Desse vil bli innarbeida før ferdigstilling av høyringutkastet.

Andre spørsmål til drøfting:

1. **Beredskap** – vi har valgt å omtale beredskap under kapittelet «**I forkant**» og ikkje som eit eige kapittel. Vi ønskje innspel frå beredskapsavdeling på dette! Er det viktige moment vi manglar?
2. **Føringar for arealplanen** – Vi har i utgangspunktet valgt å legge dette inn som underkapittel til dei 3 hovudkapittela. Dette vil det bli jobba med fram imot og i eit planlagt kommunalt planforum (vår plangruppe) i slutten av neste veke. Vi ønskjer tips til korleis vi kan legge tilstrekkelege føringar som forpliktar oss administrativt og politisk.
3. **Klimaomsyn og klimaomstilling** - Tips til korleis vi kan legge tilstrekkelege føringar som forpliktar oss, utan å gå i detalj. Vi ønskjer og tilbakemelding på dei punkta vi alt har innarbeida i dokumentet.
4. **Folkehelseomsyn** – Her har vi teke utgangspunkt i Utfordringsdokument 17 (som vert ferdigstilt om kort tid), Ung data 2017 og folkehelseprofilen til kommunen, og grepe fatt i desse i utforming av spesielt hovudstrategi 1 og 2. Vi ønskjer tilbakemelding på måten vi har brukt kunnskapsgrunnlaget vårt som førande for mål og val av strategiar i samfunnsdelen.
5. **Samarbeid med andre kommunar i regionen** – Vi ønskjer gjennom den nye samfunnsdelen å vere tydelege i vårt budskap på vår rolle i eit regionalt samarbeid og vere framoverlente og ta ei meir aktiv rolle. Vi ønskje å drøfte korleis vi kan få dette tydeleg fram i samfunnsdelen.

Vi ser at vi, til tross for at vi har fått noe utsett frist for endeleg godkjenning av samfunnsdelen (des.2017), ikkje har så god tid til denne fasen i arbeidet som vi skulle ønskje. Det er mange som på ny skal involverast i løpet av dei neste to vekene. Vi hadde i utgangspunktet ønska oss eit regionalt planforum før ferien, men dette var det ikkje rom for, og vi var heller ikkje sjølv klar då. Det som i utgangspunktet var tenkt som ei drøfting i ein tidleg fase, opplevast kanskje difor meir som ei drøfting nær ferdigstilling av dokumentet.

Dersom det i regionalt planforum den 6.september kjem fram eit klart behov for store endringar, vil formannskapet i sitt møte 18.september måtte ta stilling til om dei ønskjer å legge ut rådmannen sitt utkast på høyring, eller be om ei omarbeiding og gje ei eventuell ny utsetting.

Vennleg helsing

Beate Kornberg  
rådgjevar  
Tlf. 416 39 230

*Dokumentet er elektronisk godkjent og har ingen signatur.*

**Vedlegg:**

Samfunnsdelen til regionalt planforum 23.aug.17	1340430	23.08.2017
Framdriftsplan for samfunnsdelen - justert 21.august 2017	1340431	23.08.2017

ArkivReferanse:#5ea8b992a59941a6b7707fd79a1440892017000692#ACOS.WEBSAK#